

20.sjednica I dio

Skupština BPK-a usvojila svoj Program rada za 2009.godinu

Skupština Bosansko-podrinjskog kantona Goražde održala je 24. marta 2009. godine, pod predsjedavanjem dr.Alije Begovića svoju 20.redovnu sjednicu. Na sjednici je usvojen slijedeći

D n e v n i r e d

- 1/ Vladin sat – poslanička pitanja i inicijative,**
- 2/ Program mjera za ublažavanje posljedica ekonomske krize,**
- 3/ Ciljevi Vlade Bosansko-podrinjskog kantona Goražde za 2009. godinu,**
- 4/ Program rada Vlade Bosansko-podrinjskog kantona**
- 5/ Program rada Skupštine Bosansko-podrinjskog kantona Goražde za 2009. godinu,**
- 6/ Prijedlog Budžeta Bosansko-podrinjskog kantona Goražde za 2009. godinu.**
- 7/ Prijedlog Zakona o izvršenju Budžeta Bosansko-podrinjskog kantona Goražde za 2009. godinu,**
- 8/ Prijedlog Odluke o davanju saglasnosti na Finansijski plan Zavoda zdravstvenog osiguranja Bosansko-podrinjskog kantona Goražde za 2009. godinu,**
- 9/ Prijedlog Odluke o davanju saglasnosti na Finansijski plan J.U. Službe za zapošljavanje Bosansko-podrinjskog kantona Goražde za 2009. godinu.**

Na početku 20.redovne sjednice poslanici Skupštine BPK-a Goražde usvojili su zapisnike sa 18. i 19. redovne sjednice, a u okviru „Vladinog sata“ razmatrani su poslanička pitanja i inicijative.

Premijer Bosansko-podrinjskog kantona Goražde dao je uvodno obrazloženje za 2., 3. i 4. tačku dnevnog reda, a nakon vrlo opsežne diskusije poslanika, predsjednika Sindikata metalaca i ministra za privredu, Skupština Bosansko-podrinjskog kantona Goražde primila je k znanju Program mjera za ublažavanje posljedica ekonomske krize, Ciljeve Vlade Bosansko-podrinjskog kantona Goražde za 2009. godinu i Program rada Vlade Bosansko-podrinjskog kantona Goražde za 2009. godinu.

Program rada Skupštine Bosansko-podrinjskog kantona Goražde za 2009. godinu razmatran je u okviru 5.tačke dnevnog reda. Tokom rasprave poslanici su uložili slijedeće amandmane:

Obuća Bajro

U Program rada Skupštine Bosansko-podrinjskog kantona Goražde trebalo bi ugraditi u I tromjesečje:

- 1/ Program mjera za ublažavanje posljedica ekonomske krize,
- 2/ Ciljevi Vlade Bosansko-podrinjskog kantona Goražde za 2009. godinu

Ispod naslova – Program rada Skupštine Bosansko-podrinjskog kantona Goražde za 2009. godinu, treba upisati I – TROMJESEČJE.

U tački 20/ Izvještaj o radu Javno-žalbenog biroa Ministarstva unutrašnjih poslova BPK-a Goražde treba dodati: „za period 01. 01. – 31. 12. 2008. godine“.

U tački 21/ Izvještaj o utrošenim sredstvima Budžetske rezerve za period treba dodati „01. 01. do 31. 12. 2008. godine“.

U tački 23/ Informacija o izvještaju o izvršenju Budžeta Bosansko-podrinjskog kantona Goražde za period januar-septembar 2008. godine treba brisati riječi: „o izvještaju“.

U tački 57/ Izvještaj o utrošenim sredstvima budžetske rezerve – treba dodati „za period januar – juni 2009. godine“.

U Programu rada Vlade na strani 18. pod tačkom 4. – Inicijativa za donošenje Zakona o izmjenama i dopunama Zakona o Vladi Bosansko-podrinjskog kantona Goražde. Ovdje je naslovljeno kao inicijativa Ministarstva za pravosuđe, upravu i radne odnose BPK-a Goražde. Ovo nema u Programu rada Skupštine, a možda zaslužuje da se nađe i u Programu rada Skupštine.

Na strani 27. Programa rada Vlade u tački 7. piše: „Zakon o prestanku važenja Zakona o osnivanju J.U. Centar za stručnu obuku Goražde“. Napisani su i razlozi za njegovo donošenje. I ovo nema u Programu Skupštine, pa da i ovo nekako iskordiniramo.

Znači, našao sam dva zakona koji su pojavljuju u Programu rada Vlade, a nema ih u Programu rada Skupštine. Moja je sugestija da ovo ne zaboravimo.

Bašić Redžo – U Programu rada Skupštine BPK-a Goražde pod tačkom 46/ planirana je: Informacija o stanju signala FTV, BHTV1, GTV na području BPK-a Goražde sa posebnim osvrtom na područje Općine Pale-Prača.

U Programu rada Vlade kod Ministarstva za privredu tačka 5/ strana 5. Ministarstvo za privredu ima zadatak da omogući pokrivenost svih područja BPK-a Goražde i to na područjima: Fočanskoj Jabuci, Podhranjenu, Glamoču, Beriču i Ilovači.

Znači, tačku 46/ Programa rada Skupštine treba uskladiti sa Programom rada Vlade.

Kod Ministarstva za urbanizam – Kantonalni stambeni fond tačka 5. strana 24. imamo situaciju – potkrovnih stanovi. Treba krenuti u njihovu prodaju sukcesivno kako se prazne, međutim, u cijeloj 2009. godini nema nigdje u Programu rada Skupštine niti jedne Odluke vezano za tu problematiku.

Vlada je stavila rok budžetska 2009. godina, a u Programu rada Skupštine nigdje nije ugrađena niti jedna odluka koju će biti potrebno donijeti da bi se omogućila i započela prodaja ovih stanova.

Terović Dževad – Predlažem da se u Programu rada Skupštine Bosansko-podrinjskog kantona Goražde za 2009. godinu utvrdi 81. programski zadatak, a to je: „Održavanje godišnje sjednice Skupštine“ u skladu sa članom 246. Poslovnika Skupštine.

Begović Alija – predsjedavajući Skupštine

U završnom dijelu ovog dokumenta stoji da je Program otvoren za građane, privredna društva i druga pravna lica i u toku godine razmatrat će se sva pitanja koja ovlašteni predlagači kandidiraju za dnevni red sjednice Skupštine.

Nakon diskusije i ponuđenih prijedloga, Skupština Bosansko-podrinjskog kantona Goražde sa 21 glasom „za“ donijela je Program rada Skupštine Bosansko-podrinjskog kantona Goražde za 2009. godinu sa predloženim amandmanima.

Obrazloženje po **Prijedlogu Budžeta Bosansko-podrinjskog kantona Goražde za 2009. godinu** dao je Nazif Uruči, premijer Bosansko-podrinjskog kantona Goražde.

U diskusiji po Prijedlogu Budžeta Bosansko-podrinjskog kantona Goražde za 2009. godinu učestvovali su: Terović Dževad, Turčalo Mehmed, Obuća Bajro, Frašto Emir, Bašić Redžo, Imamović Ibrahim, Kumro Mesud, Adžem Memsud, Žuga Damir, Milović Daliborka, Podrug Salko, Đozo Hasan, Borović Mensud, Čohodar Jasmina, direktor J.P. RTV BPK-a Goražde, Mašić Muhamed, predsjednik Sindikata metalaca, Metaj Ernad, predsjednik Sindikalne organizacije J.P. RTV BPK-a Goražde i Pleh Muhidin, ministar za finansije.

Terović Dževad – Na osnovu člana 140. stav 1. i 2. Poslovnika Skupštine Bosansko-podrinjskog kantona Goražde, objavljenog u „Službenim novinama BPK-a Goražde“, broj: 10/08/ od 20. juna 2008. godine, podnosim:

A M A N D M A N

Na Prijedlog Budžeta BPK-a Goražde za 2009. godinu

Planirana sredstva na ekonomskom kodu 614400 – Podsticaj industrijskoj proizvodnji u ukupnom iznosu od 500.000 KM povećati na iznos od 1.000.000 KM.

Za ovaj iznos smanjiti planirana sredstva na ekonomskom kodu 600 000 za 200.000 KM, i na ekonomskom kodu 611 000 za 100.000 KM i na ekonomskom kodu 613 000 u iznosu od 200.000 KM.

Znači, ukupno za 500.000 KM povećati planirana sredstva i taj iznos da bude na teret vlastitih prihoda.

Turčalo Mehmed – u skladu sa članom 140., 141., 142. Poslovnika Skupštine Bosansko-podrinjskog kantona Goražde /“Službene novine Bosansko-podrinjskog kantona Goražde“, broj: 10/08/, od 30. juna 2008. godine Klub poslanika Stranke za Bosnu i Hercegovinu podnosi slijedeći Amandman koji se odnosi na prijedlog Budžeta BPK-a Goražde za 2009. godinu:

1/ Predložimo da se na ekonomskom kodu 614 100 – grant Općini Goražde planirani iznos od 960.000 KM poveća na iznos od 1.260.000 KM /tj. za 300.000 KM/

2/ Da se na ekonomskom kodu 821 600 – investicije u vodoprivredne objekte planirani iznos od 140.000 KM poveća na 440.000 KM /tj. za 300.000 KM/

3/ Da se na ekonomskom kodu 615 100 – kapitalni projekti nižim nivoima vlasti planirani iznos od 280.000 KM poveća na 420.000 KM /tj. za 140.000 KM/ i to namjenski za finansiranje deponije čvrstog otpada koja je također od kantonalnog interesa, a planirana je u Budžetu Općine Goražde za period 2009.-2011.

O b r a z l o ž e n j e

1/ Rebalansom Budžeta Bosansko-podrinjskog kantona Goražde za 2008. godinu /"Službene novine BPK-a Goražde", broj: 17/08/, usvojen je grant Općini Goražde u iznosu od 1.600.000 KM. Ukupno realizovana sredstva na navedenom kodu iznose 1.300.000 KM sa 31. 12. 2008. godine. Iskazani neraspoređeni višak prihoda nad rashodima u Prijedlogu Budžeta za 2009. godinu na kodu 591111 iznosi 1.298.442 KM. Ovaj podatak nam govori da je bilo sredstava da se realizuje planirani grant u 2008. godini. Obzirom da je budžetska godina završena, tražimo da se za iznos od 300.000 KM poveća grant Općini Goražde koji bi iznosio 1.260.000 KM. Upoređujući podatak da je od planiranog granta po rebalansu tj. od iznosa 1.600.000 KM realizovan iznos od 1.300.000 KM, vidi se da je realizovano 81,25% od ukupno planiranog iznosa po usvojenom Rebalansu. Ako se posmatra planirani iznos po Prijedlogu Budžeta BPK-a Goražde za grant Općini Goražde od 960.000 KM i stavi u omjer sa realizovanim sredstvima za 2008. godinu vidi se da će se realizovati samo 73,84% od iznosa ostvarenog u 2008. godini. Predlažemo da se navedeni iznos od 1.260.000 KM kao grant Općini Goražde obezbijedi iz vlastitih prihoda Budžeta BPK-a Goražde za 2009. godinu.

2/ Rebalansom Budžeta BPK-a Goražde za 2008. godinu /"Službene novine BPK-a Goražde", broj: 17/08/, na ekonomskom kodu 821 600 – investicije u vodoprivredne objekte realizovana su sredstva u iznosu od 80.000 KM. Općina Goražde se obraćala u više navrata nadležnim vladinim ministarstvima za pomoć u sufinansiranju započetih kapitalnih projekata vodosnadbijevanja tj. „Vodovod Starac“ i „Vodovod Pargani“; bilo je usmenih dogovora da će se ti projekti sufinansirati obzirom da su od interesa za cijeli Kanton. Usvojenim Rebalansom BPK-a Goražde za 2008. godinu realizovana sredstva na ovom kodu iznose 80.000 KM, a u Prijedlogu Budžeta za 2009. godinu na ovom kodu planiran je iznos od 140.000 KM kome treba dodati novih 300.000 KM. Iz ovih sredstava bi se finansirala i izgradnja fekalne kanalizacije na potezu Kolonija-Centar.

3. U skladu sa zahtjevima koje je Općina Goražde uputila prema Vladi BPK-a i Ministarstvu finansija potrebno je da se za izgradnju općinske sanitarne deponije obezbijedi minimalno 300.000 KM što je i predloženo u Prijedlogu Budžeta Općine Goražde potrebno je sa Budžeta Kantona za ovu namjenu izdvojiti dodatnih 140.000 KM.

Turčalo Mehmed – predsjednik Komsije za obrazovanje, kulturu, informisanje i sport

Komisija za obrazovanje, kulturu, informisanje i sport Skupštine Bosansko-podrinjskog kantona Goražde, na sjednici održanoj 19. marta 2009. godine, razmatrala je: Aktuelnu problematiku u J.P. RTV BPK-a Goražde, pa je na osnovu člana 40. i 140. stav 2. Poslovnika Skupštine Bosansko-podrinjskog kantona Goražde /"Službene novine Bosansko-podrinjskog kantona Goražde", broj: 10/08/, na Prijedlog Budžeta Bosansko-podrinjskog kantona Goražde sa 4 glasa „za“ i jednim „uzdržanim“ glasom, predlaže slijedeći:

A m a n d m a n

Na kodu 614 100 – ostali transferi, informisanje, Centar za stručnu obuku iznos od 300.000 KM povećati za 188.000,00 KM, tako da iznosi 488.000,00 KM.

Sredstva u iznosu od 188.000,00 KM obezbijedit će se sa koda 600 000 – tekuća budžetska rezerva /50% sredstava iz vlastitih prihoda, a 50% iz potpore grantova Federacije/.

Frašto Emir – Na Prijedlog Budžeta Bosansko-podrinjskog kantona Goražde za 2009. godinu ulažem slijedeće amandmane:

Amandman I

- Kod Kantonalnog suda Goražde umanjiti 50.000 KM
- Kod Općinskog suda Goražde umanjiti 30.000 KM
- Kod Kantonalnog tužilaštva Goražde umanjiti 30.000 KM

Amandman II

Ukupni iznos umanjenja od 110.000 KM iz Amandmana I rasporediti:

- 30.000 KM Udruženje mentalno oboljele djece
- 40.000 KM Domu za stara i iznemogla lica
- 40.000 KM za majke porodilje koje rode troje i više djece

Amandman III

Da Vlada Bosansko-podrinjskog kantona Goražde od tri nova „Pasata“ proda dva i mislim da može doći najmanje do 60.000 KM, te da proda sva vozila koja se nalaze na ovom parkingu koja nisu upaljena unazad od tri mjeseca. Vjerujem da bi došla do sredstava od preko 100.000 KM ako bi to uradili.

Ta sredstva bi, po meni trebalo rasporediti, prije svega, na najosjetljivije grupe – populacije, a to su hendikepirani koji ovdje nisu predviđeni, znači da njihova udruženja dobiju sredstva. Dalje, sredstva bi bilo neophodno dati Domu za stara i iznemogla lica, Televiziji BPK-a Goražde i da se napravi to u tom omjeru. Uvažavam i zahtjev Televizije da joj je potrebno vozilo pa bih predložio da jedno od tih vozila bude dodijeljeno Televiziji BPK-a Goražde.

Imamović Ibrahim – Klub poslanika Socijaldemokratske partije u Skupštini BPK-a goražde na temelju člana 40. i 140. stav 2. Poslovnika Skupštine Bosansko-podrinjskog kantona Goražde /“Službene novine BPK-a Goražde“, broj: 10/08/, na Prijedlog Budžeta Bosansko-podrinjskog kantona Goražde, predlaže slijedeće:

A m a n d m a n e

Amandman I

Na kodu 614400 /JAO 003/ Subvencije javnim ustanovama /Zavod za javno zdravstvo/ iznos od 100.000 KM povećati na iznos od 150.000 KM i to:

Ekonomski kod		Budžet za 2009.	Izdaci iz vlastitih prihoda	Potpore grantovi Federacije
614 100	JAO 003	150.000	100.000	50.000

Sredstva u iznosu od 50.000 KM obezbijedit će se sa koda 600000 – tekuće budžetske rezerve i to 100% sredstva iz vlastitih prihoda, pa će kod 600000 nakon promjene imati slijedeći izraz:

Ekonomski kod		Budžet za 2009.	Izdaci iz vlastitih prihoda	Potpore grantovi Federacije
600 000		438.000	234.500	203.500

Amandman 2.

Na kodu 614400 /JAO 002/ Subvencije javnim ustanovama /Dom za stara i iznemogla lica/ iznos od 60.000 povećati na iznos od 210.000 KM i to 100.000 KM iz vlastitih prihoda i 50.000 iz prihoda potpore grantovi Federacije.

Pa će kod 614400 /JAO 002/ nakon promjene imati slijedeći izraz:

Ekonomski kod		Budžet za 2009.	Izdaci iz vlastitih prihoda	Potpore grantovi Federacije
614 100	JAO 002	210.000	160.000	50.000

Sredstva u iznosu od 150.000 KM obezbijedit će se sa koda 600000 – tekuće budžetske rezerve i to 100.000 KM sredstva iz vlastitih prihoda i 50.000 KM potpore grantovi iz Federacije.

Pa će kod 600.000 nakon promjene imati slijedeći izraz:

Ekonomski kod		Budžet za 2009.	Izdaci iz vlastitih prihoda	Potpore grantovi Federacije
600 000		288.000	134.500	135.500

Amandman 3.

Na kodu 614400 formira se novi pod kod /JAO 004/ sa nazivom Subvencije za pomoć neuposlenim /Namjenska sredstva za pomoć radnicima koji ostanu bez posla – izvršenja po posebnim programima/ planirati iznos od 150.000 KM i to 100.000 KM izdaci iz vlastitih prihoda i 50.000 KM potpore grantovi iz Federacije.

Ekonomski kod		Budžet za 2009.	Izdaci iz vlastitih prihoda	Potpore grantovi Federacije
614 100	JAO 004	150.000	100.000	50.000

Sredstva u iznosu od 100.000 KM obezbijedit će se sa koda 600000 – tekuće budžetske rezerve i to 100.000 sredstava iz vlastitih prihoda i 50.000 izdaci iz potpora grantovi Federacije

Pa će kod 600000 nakon promjene imati slijedeći izraz

Ekonomski kod		Budžet za 2009.	Izdaci iz vlastitih prihoda	Potpore grantovi Federacije

600 000		138.000	34.5000	103.500
---------	--	---------	---------	---------

Amandman 4.

Na troškovnom mjestu Skupština Kantona formirati novi budžetski kod 614500 sa nazivom Sredstva za programe za pomoć građanima i privredi pogođenih ekonomskom krizom.

Na ovom kodu predvidjeti iznos od 1.445.500 KM i to:

Pa će kod 614500 nakon uvođenja ove promjene imati slijedeći izraz:

Ekonomski kod		Budžet za 2009.	Izdaci iz vlastitih prihoda	Potpore grantovi Federacije
600 000		1.445.500	976.810	468.690

Sredstva u iznosu od 1.445.500 KM obezbijedit će se sa kodova svih budžetskih korisnika prema slijedećoj specifikaciji:

Troškovno mjesto	Ekonomski kod	N a z i v	Izdaci vlastitih prihoda	Izdaci iz potpora grantovi Federacije
10–Skupština kantona	613 900	Naknade skupštinskim zastupnicima	64.000 Da se smanje plate za 20%	0,00
11 – Vlada Kantona	600 000	Tekuća budžetska rezerva	10.000	50.000
11 – Vlada Kantona	611 100	Bruto plaće i naknade	17.000	4.000
11 – Vlada Kantona	611 200	Naknade troškova zaposlenih	12.600	8.500
11 – Vlada Kantona	613 100	Putni troškovi	3.000	0,00
11 – Vlada Kantona	613 400	Nabavka materijala i sitnog inventara	5.000	0,00
11 – Vlada Kantona	613 900	Ugovorene i druge posebne usluge	50.000	0,00
11 – Vlada Kantona	614 100 BAL 002	Grant Općini Goražde	130.000	70.000
11 – Vlada Kantona	614 100	Grant Općini Foča-Ustikolina	130.000	70.000
11 – Vlada Kantona	614 100 BAL 001	Grant Općini Pale-Prača	130.000	70.000
12 – Služba za zajedničke poslove	613 400	Nabavka materijala i sitnog inventara	15.000	0,00
14 – Ministarstvo	613 400	Nabavka	25.000	30.000

unutrašnjih poslova		materijala i sitnog inventara		
15 – Ministarstvo za privredu	611 100	Bruto plate i naknade	0,00	42.210
15 – Ministarstvo za privredu	615 100	Kapitalni grantovi nižim nivoima vlasti	60.000	30.000
15 - /172/ Kantonalna uprava za šumarstvo	614 100	Grantovi drugim nivoima vlasti	33.000	0,00
15 - /173/ Direkcija za ceste	611 100	Bruto plaće i naknade	30.000	6.160
15 /173/ Direkcija za ceste	611 200	Naknade troškova zaposlenih	9.000	0,00
18 - /181/ Kantonalna direkcija robnih rezervi	611 100	Bruto plaće i naknade	0,00	13.461
18 - /181/ Kantonalna direkcija robnih rezervi	612 100	Doprinosi poslodavca		1.436
20 - Ministarstvo za obrazovanje, nauku, kulturu i sport	611 100	Bruto plate i naknade	0,00	23.073
20 – Ministarstvo za obrazovanje, nauku, kulturu i sport	612 100	Doprinosi poslodavca	0,00	2.307
20 – Ministarstvo za obrazovanje, nauku, kulturu i sport	614 100	Ostali transferi /informisanje Centar za stručnu obuku/	150.000	50.000
23 – Ministarstvo za urbanizam, prostorno uređenje i zaštitu okoline	611 100	Bruto plaće i naknade	0,00	18.128
23 – Ministarstvo za urbanizam, prostorno uređenje i zaštitu okoline	612 100	Doprinosi poslodavca	0,00	1.715
24 – Ministarstvo za urbanizam, prostorno uređenje i zaštitu okoline	615 100	Kapitalni grantovi nižim nivoima vlasti	30.000	0,00
23 – Ministarstvo za urbanizam, prostorno uređenje	821 100	Nabavka gradjevine	50.000	20.000

i zaštitu okoline				
-------------------	--	--	--	--

Ukupno bi bilo 1.445.500 KM i to 976.810 KM iz vlastitih prihoda i 468.690 iz granta Federacije ako ga bude.

Pa će na troškovnom mjestu Vlada kod 600 000 nakon promjene imati slijedeći izraz

Ekonomski kod		Budžet za 2009.	Izdaci iz vlastitih prihoda	Izdaci iz potpora grantovi Federacije
600 000		78.000	24.500	53.500

Ostali kodovi će se umanjiti u skladu sa predhodnim tabelama.

Kumro Mesud – Na osnovu člana 140. stav 2. i člana 141. Poslovnika Skupštine Bosansko-podrinjskog kantona Goražde /“Službene novine BPK-a Goražde, broj: 10/08/, podnosim slijedeći:

A m a n d m a n

na Prijedlog Budžeta BPK-a Goražde za 2009. godinu

U Prijedlogu Budžeta za 2009. godinu Vlada Kantona je predvidjela 500.000 KM na kodu Ministarstva za boračka pitanja ekonomski kod 614200 – Naknada za vrijeme nezaposlenosti boračkih populacija /250.000 KM iz vlastitih prihoda i 250.000 KM iz eventualnog granta Federacije BiH/.

Smatram da ta sredstva nisu dovoljna i predlažem da Vlada Kantona ovom kodu obezbijedi dodatnih 1.000.000 KM iz vlastitih prihoda.

O b r a z l o ž e n j e

Na ovaj način bi u 2009. godini na našem Kantonu izbjegli dovođenje u pitanje isplate naknada za 1050 demobilisanih boraca.

Adžem Memsur – Na osnovu člana 140. stav 2. i člana 141. Poslovnika Skupštine Bosansko-podrinjskog kantona Goražde /“Službene novine BPK-a Goražde“, broj: 10/08/, podnosim slijedeći:

A m a n d m a n

na Prijedlog Budžeta BPK-a Goražde za 2009. godinu

Da se sa ekonomskog koda:

1/ Ministarstva za privredu – ekonomski kod 614 400 – „Podsticaj industrijskoj proizvodnji“ skine iznos od 40.000 KM /sve iz vlastitih prihoda/

- Da se ova sredstva povećaju na ekonomskom kodu OŠ „Mehmedalija Mak Dizdar“ Vitkovići, 821 600 – „Rekonstrukcija i investiciono održavanje“ koji je planiran u ukupnom iznosu od 108.000 KM, povećati na 148.000 KM /povećanje za 40.000 KM, sve iz vlastitih prihoda za sanaciju i rekonstrukciju sportskog školskog terena u Beriču/.

O b r a z l o ž e n j e

Sportsko igralište u dvorištu O.Š. u Beroču je najlošije igralište u BPK-a Gorađe, povrede učenika korisnika škole su do sada bile lakše prirode ali je pitanje dana kada će se neko teže povrijediti i ko će biti za to odgovoran. Igralište pomenuto koristi i omladina MZ Beroč i Nogometni klub „Beroč“ koji su već do sada imali teže povrede na tom igralištu koje je u katastrofalnom stanju.

Žuga Damir – Na osnovu člana 140. stav 2. i člana 141. Poslovnika Skupštine Bosansko-podrinjskog kantona Gorađe /“Službene novine BPK-a Gorađe“, broj: 10/08/, podnosim slijedeći:

A m a n d m a n

na Prijedlog Budžeta BPK-a Gorađe za 2009. godinu

Da se sa ekonomskih kodova:

1/ Vlade Kantona – ekonomski kod 611 200 – „Naknada troškova zaposlenih“ skine iznos od 40.000 KM /20.000 KM iz vlastitih prihoda, a 20.000 KM iz granta Federacije/.

2/ Ministarstvo za privredu – ekonomski kod 822 521 – „Učešće u zajedničkim ulaganjima, UNHCER, SERDA, IPA“ skine iznos od 26.000 KM /13.000 KM iz vlastitih prihoda, a 13.000 KM iz granta Federacije/.

Da se ova sredstva povećaju na ekonomskom kodu Ministarstva za boračka pitanja 614 300 „Grantovi neprofitnim organizacijama“ koji je planiran u ukupnom iznosu od 200.000 KM, poveća na 266.000 KM /33.000 KM iz vlastitih prihoda, a 33.000 KM iz granta FBiH/.

O b r a z l o ž e n j e

Boračka udruženja koja se bave rješavanjem mnogobrojnih problema svojih populacija, treba da zaslužuju više pažnje resornog Ministarstva i ove ekspertne koalicione Vlade. Smatram da šest boračkih udruženja ne smiju i ne mogu biti teret ovom Kantonu tako što bi sredstva za rad ovih udruženja u 2009. godini, ukupno bila 266.000 KM i tako u odnosu na izmjene i dopune Budžeta za 2008. godinu bilo manje za 20.000 KM, a ne 86.000 KM kao što stoji sad u Prijedlogu Budžeta za 2009. godinu.

Milović Daliborka - Kod Nacrta Budžeta BPK-a Gorađe za 2009. godinu podnijela sam Amandman. Na Ekonomskom kod 614 200 – kod Ministarstva za izbjegla i raseljena lica imala sam prijedlog da se doda novi pod kod gdje će stajati podrška održivom povratku u iznosu od 200.000 KM.

U Prijedlogu Budžeta BPK-a Gorađe stoji – Izdaci za podršku održivom povratku planirano je 470.000 KM.

Odgovor na pitanje Milović Daliborke dao je ministar Imamović Demir i istakao da će najveći dio sredstava sa ovog koda ići će na održivi povratak cca oko 400.000 KM, a za ovo postoje i zakonske obaveze.

Đozo Hasan - Na Prijedlog Budžeta Bosansko-podrinjskog kantona Goražde za 2009. godinu predlažem slijedeći:

A m a n d m a n

Na kodu 614 400 – Podsticaj industrijskoj proizvodnji iznos od 500.000 KM povećati na 1.500.000 KM.

Sredstva obezbijediti sa koda 611 000 – 800.000 KM - plaće i naknade troškova zaposlenih i 200.000 KM sa koda 612 000 – doprinosi poslodavca i ostali doprinosi.

Borović Mensud – predlažem da predlagač razvrstane kolone po rashodima objedini na principu ranijih Budžeta, odnosno u zbirnom prikazu rashoda kolone 8. i 10, a u prikazu po korisnicima Budžeta kolone 9. i 11.

Smatram da bi dodatnim propisima i kriterijima svi budžetski korisnici, da li bili direktni ili indirektni trebali se pridržavati kriterija i propisa Vlade Kantona u dijelu plaća, toplog obroka, naknada koje nemaju karakter plaće. Neshvatljivo je da se vrši potpora budžetskim korisnicima direktno ili indirektno bez obzira o kojoj se grupaciji radi, a da se u istim tim institucijama topli obroci, osnovice za plaću veće u odnosu na korisnike Budžeta Kantona, kao što je bio slučaj u određenim institucijama. Postavlja se opravdanost potpore tim institucijama ako se u njima ne pridržavaju općih propisa i kriterija za prava iz radnog odnosa.

Predsjedavajući Skupštine Bosansko-podrinjskog kantona Goražde prekinuo je 20-tu sjednicu Skupštine Bosansko-podrinjskog kantona Goražde u 18:30 sati i zakazao nastavak 27. marta 2009. godine sa početkom u 13:00 sati.